

Հաշմանդամություն ունեցող անձանց հարցերով զբաղվող հանձնաժողովի 2008 թվականի մայիսի 5-ի ժամը 16⁰⁰ –ին կայացած նիստի

Արձանագրություն N 1

ՕՐԱԿԱՐԳ

1. Հաշմանդամություն ունեցող անձանց հարցերով զբաղվող ազգային հանձնաժողովի նպատակների և խնդիրների մասին:
2. Հաշմանդամություն ունեցող անձանց հարցերով զբաղվող մարզային և Երևան քաղաքի հանձնաժողովների գործունեության կարգերի հաստատում:
3. 2008 թվականի ընթացքում Ազգային հանձնաժողովում քննարկման համար նախատեսված հարցեր.
 - հաշմանդամների սոցիալական ինտեգրման ռազմավարության նախագծի քննարկում.
 - Հաշմանդամների աջակցության Հիմնադրամի ստեղծում.
 - հաշմանդամների համար ֆիզիկական մատչելիության ապահովում.
 - հաշմանդամների սոցիալական պաշտպանության 2009 թվականի տարեկան ծրագրի նախագծի քննարկում.
 - հաշմանդամություն ունեցող անձանց համար անխոչընդոտ միջավայր ապահովող «Մատչելի համայնք» մրցույթ.
 - Հաշմանդամների միջազգային օրվա կապակցությամբ մեկամսյակի միջոցառումներ:
4. Այլ հարցեր:

ՄԱՍՆԱԿՑԵՑԻՆ

Ա. Վարդանյան` ՀՀ աշխատանքի եւ սոցիալական հարցերի նախարար,
Հաշմանդամություն ունեցող անձանց հարցերով զբաղվող
ազգային հանձնաժողովի նախագահ

Հանձնաժողովի անդամները`

Հ. Դարբինյան` ՀՀ առողջապահության նախարարի առաջին տեղակալ

Գ. Մալխասյան` ՀՀ արդարադատության նախարարի առաջին տեղակալ

Ժ. Ասատրյան` ՀՀ ֆինանսների և էկոնոմիկայի նախարարության բյուջետային ծախսերի ֆինանսական ծրագրավորման վարչության պետ

Վ. Տերտերյան` ՀՀ տարածքային կառավարման նախարարի տեղակալ

Տ. Հարությունյան` ՀՀ կառավարության աշխատակազմի սոցիալական հարցերի վարչության գլխավոր մասնագետ

Ա. Ալավերդյան` "Հատուկ կարիքներով մարդկանց աջակցության "ՌԻՆԻՍՈՆ"
հ/կ նախագահ

Ա. Գրիգորյան` "Հայաստանի խուլերի միավորում" հ/կ նախագահ

Ա. Թադևոսյան` "Հույսի կամուրջ" հաշմանդամ երեխաների եւ երիտասարդների իրավունքների պաշտպանություն"

- h/կ նախագահ
- Ա. Հակոբյան՝ "Հայաստանի կույրերի միավորում" հ/կ նախագահ
- Ա. Մկրտչյան՝ "Սկարպ" առողջական կենտրոն" հ/կ նախագահ
- Լ. Ներսիսյան՝ "Աստղիկ" հաշմանդամ երեխաների ծնողների ասոցիացիա" հ/կ նախագահ
- Ս. Օհանյան՝ "Հաշմանդամների "Փարոս" կրթության եւ մշակույթի զարգացման կենտրոն" հ/կ նախագահ
- Ջ. Բաղդասարյան՝ ՀՀ աշխատանքի եւ սոցիալական հարցերի նախարարության աշխատակազմի հաշմանդամների եւ տարեցների հիմնահարցերի վարչության պետ (հանձնաժողովի քարտուղար)

Հրավիրվածներ՝

- Ֆ. Բերիկյան՝ ՀՀ աշխատանքի և սոցիալական հարցերի նախարարի տեղակալ
- Մ. Վանյան՝ ՀՀ աշխատանքի և սոցիալական հարցերի նախարարության ՀՀ բժշկասոցիալական փորձաքննության գործակալության պետ
- Հ. Գորոյան՝ ՀՀ աշխատանքի և սոցիալական հարցերի նախարարության իրավաբանական վարչության պետ
- Հ. Խաչատրյան՝ ՀՀ աշխատանքի և սոցիալական հարցերի նախարարության հասարակայնության հետ կապերի բաժնի պետ

ՀՀ աշխատանքի և սոցիալական հարցերի նախարարության աշխատակազմի հաշմանդամների հիմնահարցերի բաժնի աշխատակիցները:

Ա. Վարդանյանը, շնորհավորելով հանձնաժողովի անդամներին առաջին նիստի կապակցությամբ, նշեց, որ պետության և հասարակական կազմակերպությունների համագործակցությունը կարևոր է հաշմանդամություն ունեցող անձանց սոցիալական պաշտպանության, սոցիալական ներառման և հավասար հնարավորությունների ապահովման գործընթացը համալիր կազմակերպելու և իրականացնելու նպատակով:

Լսեցին՝ հանձնաժողովի քարտուղար Ջ. Բաղդասարյանին

Նա ներկայացրեց օրակարգի 1-ին և 2-րդ հարցերը՝ հանձնաժողովի նպատակներն ու խնդիրները, ինչպես նաև մարզային և Երևան քաղաքի հանձնաժողովների գործունեության կարգերը և անհատական կազմերը, նշելով, որ մարզային /Երևան քաղաքի/ հանձնաժողովների գործունեության կարգերը մշակվել են ՀՀ աշխատանքի և սոցիալական հարցերի նախարարության կողմից տրամադրված գործունեության օրինակելի կարգի հիման վրա, իսկ յուրաքանչյուր հանձնաժողովի անհատական կազմը հաստատել է մարզպետը /Երևանի քաղաքապետը/ նախարարության տրամադրած գործունեության օրինակելի կարգին կից ցանկի հիման վրա:

Արտահայտվեցին՝

Վ. Տերտերյանն առաջարկեց մարզային /Երևան քաղաքի/ հանձնաժողովի գործունեության կարգում ավելացնել, ըստ որի հանձնաժողովի անհատական կազմում պետք է ընդգրկվեն նաև քաղաքային համայնքների ղեկավարները: Հաշվի առնելով, որ մարզային /Երևան քաղաքի/ հանձնաժողովի գործունեության կարգի 13-րդ կետով

հանձնաժողովի նիստին կարող են մասնակցել պետական մարմինների, պետական և տեղական ինքնակառավարման մարմինների, հասարակական կազմակերպությունների և զանգվածային լրատվության միջոցների ներկայացուցիչները, քաղաքային համայնքների ղեկավարները կարող են հրավիրվել՝ ելնելով նիստում քննարկվող հարցերի հրատապությունից:

Ա. Ալավերդյանը նշեց, որ պետք է մարզային /Երևան քաղաքի/ հանձնաժողովներին օժտել որոշում կայացնելու իրավասությամբ:

Ս. Օհանյանն առաջարկեց Արագածոտնի մարզի հանձնաժողովի անահատական կազմում, որպես հանձնաժողովի անդամ ընդգրկել «Թալին հույս» հ/կ նախագահին:

Որոշեցին՝

- Վերանայել մարզային /Երևան քաղաքի/ հանձնաժողովի գործունեության կարգը և համաձայնեցնել հանձնաժողովի անդամների հետ,
- Արագածոտնի մարզի հանձնաժողովի հետ քննարկել «Թալին հույս» հ/կ-ի նախագահին հանձնաժողովի կազմում ներառելու հարցը:

Լսեցին՝ տիկին Բաղդասարյանին

Օրակարգի 3-րդ կետի համաձայն Ջ. Բաղդասարյանը ներկայացրեց 2008 թվականին հանձնաժողովի քննարկվելիք հարցերը, որի վերաբերյալ էլ արվեցին առաջարկություններ:

Մասնավորապես առաջարկվեց, որ հ/կ-ների կողմից ստեղծվի հաշմանդամների աջակցության հիմնադրամ, որին կաջակցի ՀՀ աշխատանքի և սոցիալական հարցերի նախարարությունը:

Քննարկվեցին նաև «Մատչելի համայնք» մրցույթի պայմանները, չափորոշիչները, ինչպես նաև դիմումների ընդունման և անհրաժեշտ տեղեկատվության տրամադրման ժամկետները:

Արտահայտվեցին՝

Ա. Ալավերդյանն առաջարկեց 2008 թվականի ընթացքում քննարկել հաշմանդամների բժշկա-սոցիալական փորձաքննության գործընթացում առկա խնդիրները:

Ֆ. Բերիկյանն առաջարկեց ՀՀ աշխատանքի և սոցիալական հարցերի նախարարությունում հանդիպում կազմակերպել հ/կ-ների և ԲՄՓՀ-ների նախագահների հետ:

Ս. Թադևոսյանը նշեց, որ ԲՈՒՀ ընդունվելու համար հաշմանդամություն ունեցող դիմորդները ստիպված են լինում ներկայացնել եզրակացություն՝ ԲՄՓՀ-ից տվյալ մասնագիտությունը ձեռք բերելու նպատակահարմարության մասին:

Որոշեցին՝

- Վերանայել «Մատչելի համայնք» մրցույթի հայտը՝ այն համաձայնեցնելով հանձնաժողովի անդամների հետ: Ինչպես նաև դիմումների ներկայացման ժամկետը հետաձգել մինչև ս/թ հունիսի 30-ը, իսկ անհրաժեշտ տեղեկատվության տրամադրման ժամկետը՝ մինչև ս/թ նոյեմբերի 30-ը,

- ՀՀ աշխատանքի և սոցիալական հարցերի նախարարությունում հանդիպում կազմակերպել ԲՍՓՀ և հ/կ նախագահների հետ,
- ՀՀ կրթության և գիտության նախարարության հետ համատեղ քննարկել ԲՌԻՀ ընդունվելու համար հաշմանդամություն ունեցող դիմորդներից պահանջվող ԲՍՓՀ եզրակացության նպատակահարմարության հարցը:

ՀՀ աշխատանքի և սոցիալական հարցերի նախարար,
Հաշմանդամություն ունեցող անձանց հարցերով
զբաղվող ազգային հանձնաժողովի նախագահ`

Ա. Վարդանյան

Հանձնաժողովի քարտուղար`

Ջ. Բաղդասարյան